

БӨЛІМ: МҰҚАҒАЛИ МАҚАТАЕВ / ӨЛЕҢДЕР

## Ескі әнді, шеше, қозғама!

ЖАРИЯЛАНДЫ  
22.01.2023ТІРЕК СӨЗДЕР  
Мұқағали МақатаевСІЛТЕМЕ  
<https://bilimger.kz/129752/>

## ЕСКІ ӘНДІ, ШЕШЕ, ҚОЗҒАМА!

Босқанда — ел-жұрт боздаған!

Ескі әнді, шеше, қозғама!

Елестеп маған өтеді:

Кұлазып жатқан боз дала,

Ескі әнді, шеше, қозғама?!

Қызда да, қыршын ұлда да,

Ұлыған неткен мұң-нала?!

Күңіренген неткен қу дала?!

Ескі әнді, шеше, қозғама?!

Өлмесін десең біржола,

Ескінің орнын тырнама!

(Жамандық көрмей өстім мен)

Күңіренбе, шеше, ескі үнмен?!

Күңіреңтпе мына даланы,

Азалы керуен, көш жүрген.

Күңіренсең, шеше, ескі үнмен,

Жетіқат жердің астынан

Бабамнын, даусы естілген.

Күңіренбе, шеше, ескі үнмен!

Мұқағали Мақатаев

**ҚМ АА** Куәлік нөмірі: **KZ45VPY00102718** — ҚР Мәдениет және Ақпарат министрлігі

© 2026 **Bilimger.kz** Ақпараттық-танымдық білім порталы. Барлық мазмұн авторлық құқықпен қорғалған.